

Иисус Христосой түрэн тухай

1 Тэрэ үедэ Римэй император Август гэгшэ орон дайдынгаа бүхы зоной тоо бүридхэхэ гэнэн зарлиг гаргаба һэн ха. 2 Тэрэнь Сири уласые Квиринийн зонхилжо байха үедэ хэгдэнэн хүн зоной анха түрүүшын тоо бүридхэл бэлэй. 3 Тиин хүн зон бултадаа өөһэдынгөө түрэнэн хото ошожо, нэрээ бэшүүлжэ байба. 4 Давидай обогһоо, гэр бүлэнөө гарбалтай хадаа Иосиф гэгшэ Галилейн Назарет хотоһоо Иудейн орон нютагай Давид хаанай Вифлеем хотодо мүн лэ нэрээ бэшүүлхээе ошобо, 5 тиихэдээ шажанай гуримаар һамганиинь болохо ба хээлитэй болоһон Мариятай хамта ошобо. 6 Тэндэ ошоод байхадань, хоногынь хүсэжэ, 7 Мария ууган хүбүүгээ түрөө һэн. Тэрэнээ мансылаад, малай эдюур-тэбшэ соо абаашажа табиба, юундэб гэхэдэ, зоной буудаг газарта тэдэндэ һуури хүртөөгүй һэн. 8 Тэндэнээ холо бэшэ малшад һуудаг байгаа. Тэдэнэр хүнэндөө малаа манажа, тапада хонодог һэн ха. 9 Бурханай Эльгээгдэмэл гэнтэ тэдэндэ буужа, Эзэн Бурханай алдарай гэрэлэй туяархада, малшад айхын ехээр айн хүрдэбэ. 10 Бурханай Эльгээгдэмэл тэдэндэ хэлэбэ: «Бү айгты, юундэб гэхэдэ, би бүхы арад зоние ехэтэ баясуулха һайн мэдээсэл таанадта дуулгахаяа ерээб: 11 мүнөө Давид хаанай хотодо Абарагша Христос мүндэлбэ. 12 Дүлгэ тэмдэгынь иимэ: мансытай тэрэ хүбүүхэнэй малай эдюур-тэбшэ соо хэбтэхые харахат». 13 Бурханай Эльгээгдэмэлэй хажууда тэнгэрийн түлөөлэгшэд олоороо бии боложо: 14 «Дээдын Бурхан алдаршаһай! Газар дэлхэй дээрэ амгалан байдал мандаһай! Хүн амитан хайра үршөөлдэ хүртэн ажаһууһай!» - гэжэ Бурханда магтаал соло дуудаба. 15 Бурханай Эльгээгдэмэлнүүдэй огторгойдо бусахадань: «Вифлеем хото ошожо, Бурханай Эльгээгдэмэлнүүдэй хэлээшыень харая үзээл! - гэжэ малшад бэе бээдээ хэлэжэ байба». 16 Тиин тэдэнэр яаралтайгаар тишэ ошожо, эдюур-тэбшэ соо хэбтэнэн хүбүүхэниие, хажуудань һууһан Мария Иосиф хоёрые хараба. 17 Иимэ юумэ хараад, малшад энэ хүбүүн тухай Бурханай Эльгээгдэмэлэй хэлээшые бүгэдэндэ хөөрөбэ. 18 Малшадай хэлэнэн

юумэ дуулаһан хүнүүд гайхаба гэлыбэ. 19 Тиин Мария эдэ үгэнүүдые шагнажа, сэдхэл зүрхэндөө хадуужа абаба. 20 Малшад Бурханай Эльгээгдэмэлэй дуулгаһые нюдөөрөө хараһанайнгаа, шэхээрээ дуулаһанайнгаа түлөө Бурханаа аддаршуулан, магтан гэртээ харибад.